



Her er inntaket til vassverket i Eikelva. (Foto: Ola Matti Mathisen)

**Årsrekneskapen for Uskedal Vassverk er oppgjort med eit overskott på 239.154 kroner, mot 135.509 kroner året før.**

**Inntektene auka frå 980.374 til 1.001.729 medan driftskostnadane gjekk ned frå 866.184 til 780.127.**

**Vassavgifta vart ikkje endra i fjor, då vassverket hadde 395 luteigarar.**

Årsmøtet i fjor gav styret fullmakt til å sjå på ei betring av vassinntaket, men dette er utsett ipåvente av planane til grunneigarane om å byggja eit småkraftverk i Eikelva. Her ser ein for seg eit samarbeid om inntak.

Høgst prioritet i år har arbeidet med å betra reserveinntak i elva og ei reservevasskjelde ein annan stad i bygda - uavhengig av kraftutbygging. Likeeins må digitaliseringa av kartverket gå vidare i år. Store bustadfelt er under planleggjing og utbygging slik at vassverket må sjå på det totale vassbehovet i åra somkjem. Styret skal no revidera vedtektene slik at praksis ved utbyggingar blir i samsvar med den praktis som kommunen har.

Det var uteståande fordringar på 50.773 kroner ved årsskiftet, men etter årsskiftet er dette i hovudsak innbetalt.

Gjelda var ved årsskiftet 938.960 mot 1.068.400 kroner året før.

Av store investeringar i fjor nemnar årsmeldinga trykksil og grovfilter til ein kostnad på 409.749 kroner. I tillegg fekk vassverket naudkloranlegg for 25.300 kroner.

Av Ola Matti Mathisen